

永樂大典

卷一萬四千五百

七十四

永樂大典卷之一萬四千五百七十四 六暮

鋪

洪武韻書故切。設也。陳也。又賈肆也。又見模韻。陸法言廣韻又音胡切。楊相書統滂音鋪。余見模韻滂母。熊忠韻會舉要官次濁音。

字添韻著門鋪首也。從金甫聲。所以樹環者作龜蛇之形。以銅為之。故名金鋪。又虞韻滂模切。趙謙舉音文字通滂故切。見活韻。此轉注。韻會

定正字切滂

篆

鋪

六書

鋪

並張錦漢見

急遞鋪

事物紀原蓋自三代有也。國語曰。晉以傳召伯宗。又吳王曰。徒遠來告。注云。徒。步。遞。傳車也。蓋子曰。德之流行。遠於

置郵而傳命。皆周事也。然則遞蓋起於周。宋朝急遞鋪。允十里設一鋪。每鋪設鋪長一名。鋪兵要路十名。僻路或五名。或四名。由改寧左傳。有斐子乘駟騶驛馬也。則馬遞之制。已見於周矣。漢文帝乃詔太僕。見馬餘皆給傳置也。華談曰。驛傳舊有步馬急遞三等。急遞最速。日行四百里。唯軍興用之。然車中又有金字牌急脚遞。如古羽檄也。以朱漆木牌。金字日行五百里。軍前檄遞。處分則速。御前發下三省。樞密莫得與也。宋會要太祖

永樂大典卷之一萬四千五百七十四

一

建隆二年五月十七日。詔諸道州府以軍卒代百姓為遞夫。先是天下郵傳率役平民。至是帝知其弊。始盡易之。三年正月二十三日。詔郡縣起。今不得差道路居人。充遞軍脚力。太宗太平興國三年六月三日。詔自今乘驛者。皆給銀牌。復舊制也。五代已來。充遞馬奉使於外。止樞密院給牌。至是以李飛之詐。始復用馬。八年十二月六日。詔自京至廣州。傳置卒。月別給百錢。端拱二年二月七日。詔先是馳驛使臣給篆書銀牌。自今宜罷之。復給樞密院牌。淳化三年四月二十一日。荆湖北路轉運司張詠。請罷峽州至歸州界水遞人夫。從之。真宗咸平三年八月十四日。詔應文武臣僚三班使臣。內臣。御前忠佐。天章待詔。諸伎術官等。今後差出月當公事。所請走馬頭子。即日晝時。於所轄處送納。赴任即到。本任送納。並繳納樞密院訪聞。差往四川廣南等處。知州通判。都監。監押。及月當事。期臣有例。未遞馬者。多請走馬頭子。未騎遞馬。即慢程進發。今後除急程赴任。及月當緊切公事。即得乞未遞馬。餘不得更乞支借。如違犯。並劾罪。嚴斷。五年七月十二日。有自京至廣南驛遞軍士。及使臣計六千一百餘人。先是以廣南市。劫陸運。舉費。議自南安軍路。沈并。狄京。師。命戶部判官。凌某。與遞路轉運司計度。至是省之。人以為便。六年七月。樞密

院言馬運宜敷付外別無文簿拘轄縱有失墜無由盡知欲別置司以簿發遣帝曰雖別置司至逐房宜敷不知到發恐難照會可照諸州軍其逐月承受馬運宜敷事目及月日實封於次月五日已前入遞聞奏候至逐房以文曆對會景德元年二月詔川峽路州軍監縣鎮等吏卒乘馬遞報公事者自今禁止之先是以川峽州郡多馳騎往來傳送官文書及報鎮定總管司及雄州文書外他處文書不得承度帝以急脚軍士晨夜馳走甚為勞止故有是詔四年閏五月詔諸道州府逐處使臣多以細碎不急事驛遞以聞自今非機密軍馬事不得輒遣驛騎馳奏七月十日增置自京至宜州馬遞鋪大中祥符元年十月詔沿路所置急脚遞鋪蓋令傳送文書如聞有近上臣僚并往來中使多令齎持物色負重奔馳咸不堪命自今非宜敷並不得應副三年三月河北沿邊安撫司奏河北諸州軍馬遞鋪兵士有父母骨肉散在諸鋪者乞配在一處從之五年十一月十二日令諸州遞鋪兵士有子孫同在軍籍者許同營居時有言鋪兵子孫皆異居者帝憫之特有是命九年三月二十二日置梓州至綿州遞鋪先是命民丁傳送今革之也天禧元年十月令樞密院諸房

永樂大典卷一萬四千五百七十四

二

副承旨邵文昭管勾支散遞鋪舊例驛馬有關令群牧司左右驛驥院配定進呈又命樞密院承旨張質管勾支散至是留卒命文昭代之三年五月屯田員外郎上官偁言諸處遞鋪馬遞鋪使臣多權差可當職外公事望自今免廢本職從之四年七月七日遣使市小車給鳳翔府至綿州遞鋪仍為增葺鋪屋以道險且遠故也五年十月淮南江浙荆湖制置發運使司周寔言自今轄下如有倉場庫務綱運為弊及水火損敗令急達差官點檢非常程公事許給遞馬一尺從之乾興元年七月仁宗即位未及元都進奏院言諸道州府往來遞角內所少諸般文字物色元降條貫專牒遞馬遞鋪使臣驅逐根尋緣使臣懼遣勘責牙相推法欲望自今遞轄使臣地分內有人偷拆遞角根境得實即更不問罪或乞理為勞績如却為他處根逐得實即取勘批上層子得替日第降差遣從之仁宗天聖元年五月二十六日詔內臣諸司使副供奉已下於諸處役送金龍玉簡及建道場齋醮不得占使舟舡往來遞馬不得過三天如違並科違制之罪八月八日詔諸道州軍馬遞鋪兵士如有作過罪至杖六十已上情理重及頻犯者並配隸本城下軍如無本城兵士即勒令重役二年三月二十二日河北沿邊安撫都監張浚成言伏見天雄軍地

永樂大典

卷一四五七四

分馬鋪關馬長行皆抽差諸般雜役有妨本鋪祇應乞降條約詔自今諸路馬鋪兵士不得抽赴他處功役。七年閏二月詔自今應係乘遞馬文武使臣請到頭子勾當了日晝時於合係去處送納繳連赴樞密院仰都進奏院指揮在京諸門馬鋪每起供遞馬如京朝官使臣三日內非次實有事故即具緣由於樞密院納換仍令置簿拘轄逐旋勾銷有不納到者勘會元給月日計程數催促及取問住滯因依開奏。六月監察御史王嘉言言昨承遞馬往信州勘勅公事竊見新黃州界多差配到雜犯軍人充馬遞鋪祇應別無人員鈐轄多接便為非刑竊行祿欲望自今諸路馬遞鋪兵士並於本城差無過犯軍人充其配到雜犯軍人只勒在營有人負部轄處役使詔轉運司相度如無妨礙即依奏施行。八月都進奏院言自來馬遞鋪轉遞文字物色逐鋪交割對頭皮紙角但有損動破汚下鋪便具狀驗認所損去處令前路據狀照會交割遞角既稱封印不全即沿路任使偷折至投下處或照檢文字物色數少只是勾追元供狀人根勘並不見得偷折損動去處歸着欲請轉遞皮紙角物色等如封頭裏角破損無憑交割者即本鋪與元轉送軍人同齎於所到處知州縣或都監押及地分巡轄使臣處晝時重添封印仍別由引批鑿交割如曾經偷拆

永樂大典卷萬四千五百七十四

三

即官員躬親拆開將內引數目點對據見在文字物色重封交割前來其所少名件即就便報勘行遣牒報逐處如止是外引破損不忤封角者即令逐鋪人員曹司具公狀隨遞照會前來或到投下處點檢數少即徒排住滯時辰地分報勘從之。八月十一日權三司使公事胡則言諸州軍馬遞鋪多差本城指揮使或負傷提舉訪聞所差軍員盡作優敘於兵士處乞取錢物是致轉加貧困况逐鋪有節級部押及使臣巡轄欲望自今更不差軍員提舉詔諸路轉運司勘會有使臣巡轄處即依奏施行如無使臣處仰依舊存留仍鈐轄不得乞覓錢物違者當行重斷。十二月詔廣南福建江淮京浙路巡馬遞鋪使臣內有兼巡捉私茶鹽勾當去處自今令三班院選經歷事任人差充慶曆四年正月十一日以大雷賜河北京西河東遞鋪軍士待支錢。皇祐元年正月二十一日詔凡有邊警而敢盜發連角者斬。十月二十三日詔馬鋪每一晝夜行五百里急脚遞四百里。四年七月九日詔自京至廣州增置馬遞鋪仍令內臣一員提舉。至和元年七月九日詔陝西轉運司自永興軍至益州遞鋪軍士方冬苦寒挽運兵器不息其各賜緡錢有差。嘉祐八年庚午已卯位未改元九月二十二日詔遞鋪住滯文字違一時辰并半時辰各杖六十。一時

半杖七十兩時辰并兩時辰半杖八十移配重難逆鋪三時辰半杖一百。移配重難逆鋪八時辰半杖二年。神宗熙寧元年正月十八日樞密院上新定到文武官合乘逆馬條貫詔可先是諸色人給逆馬太濫所在馬不能充足以致急逆措留故也。二年六月九日詔京朝官差川峽均當。審官院依舊例出給人馬公憑大使臣差川峽差遣即仰開封府出給訖奏更不申樞密院。四年三月七日樞密院吏房言勘會所給逆馬頭子內自京差往外任住城官實雖於頭子內書填候到日於本處送納繳連樞密院其間多有不曾繳到者竊慮因循別生新弊乞下進奏院遍牒諸路州府軍監今後官員到任仰取索有無逆馬頭子如有立便勾納繳連於樞密院送納如有稽遲令所在申舉乞行朝典詔令都進奏院遍牒施行其應短使及諸般差遣內臣大小使臣等所給逆馬頭子令於開門并在京所轄處送納令尚書刑部通牒在京諸處應係差出官員所轄人候到京朝見或公參日並取索曾與不曾乘騎逆馬詣實文狀如曾請願逆馬頭子即便具狀繳連於樞密院送納如違當行朝典。八月三日熙寧檢陝西路馬逆鋪趙約之言乘逆馬者如到州縣未發問止許占一匹候行日方許差發州府公用等物不許令逆鋪推殺從之。七年四月十二

永樂大典卷一萬四千五百七十四

四

日詔乘逆馬者於水行州縣聽乘舟官以後錢在。八年十二月二十一日詔自京至廣西邕桂州已未以遺置急逆鋪仍令入內省差使臣一人點檢。元豐元年五月二十八日上批日者廣西凡有違事五六處交奏不惟過涉張皇深恐沿路習為常事或真有違機當速者反致稽遲可速下轉運提點刑獄經略邕州安撫都監司等令非緊切違事毋得擅發急逆及經略司已奏者勿重復如逐司自有所見及經略司處置未盡不拘此令。二年三月十七日太原府路走馬承受全惟幾言馬逆鋪兵窮困凍餒乞加寬卹上批久聞鋪兵藉勅之狀深可傷惻今因惟幾到關面審其實逆置徑卹可委河東都轉運使陳安石速具措置以聞。七月三日。上批陝西馬逆鋪人馬多闕方軍興飛書遣使此最先務宜令西路提點刑獄文臣點檢填數足申明條約開封府界委提舉官。八月十二日詔入內省選差使臣二人自京分詣陝西沿邊麟府等路於逆鋪內選可充急脚逆鋪兵級對換不堪走傳文字之人仍相度鋪分地里遠近去處置腰鋪。二十九日詔自京至陝西河東用兵路分逆鋪各賜特支錢。四年十一月二十三日西京左藏庫副使鄧繼宣言差提舉編排環慶府路馬逆急脚鋪等竊見章州至清遠軍驛劄將官潘定劉清日逐搜山道

路通活別無阻節其南州至韋州駐劄官將劄僅樂進雖差下未至即令
靈州至韋州向上擡通阻節不通乞差近上臣僚多發廂軍自新界樂後
清每十里置一鋪及朔堡塞以便運糧轉送文書詔令胡宗回詳繼宜所
奏展轉移牒指彈劄僅等遠赴所分地巡緝通道令宗回具析見權本路
帥領兼職在饋運道路獲盜並不措置因依以聞五年三月二十一日
詔陝西五路自大軍入塞之後沿路馬連鋪甚失編排有妨轉送文字專
委官整葺陝西差胡宗回王欽臣京西差梁燾五月二十六日滿宗閱
乞自秦州至熙州量地里遠近險易置車子鋪二十八招刺兵士從之
六年九月二十五日詔廊延路令毋輒出兵令樞密院更不送門下省止
用金字牌發下牌長尺餘朱漆刻以金書御前文字不得入鋪猶違於急
遞七年八月三日權河北轉運判官張適言已遣第十五副將王文景
領兵捕殺澧州界群賊權令選來馬鋪馬七疋詔張適不當差馬鋪馬給
將下特釋罪哲宗元祐六年四月七日刑部大理寺言赦降入馬遞日
行五百里事干外界或軍機及非常盜賊文書入急脚遞日行四百里如
無急脚遞及要速并賊盜文書入馬遞日行三百里遞不滿時者皆五十
一待杖八十一日杖一百二日如一等罪止徒三年致有廢闕事理重者

奏裁從之徽宗建中靖國元年正月九日都省劄子訪聞諸路馬遞鋪
人例皆額闕致見存應辦役使倍有勞苦往往不能依鋪分交替因致鋪
兵盤纏闕之多飢凍僵殍或逋逃聚為盜賊逆馬弱秣失時狂有死損詔
令兵部行下遞路監司疾速經畫措置申嚴條約裁損泛溢差役及責立
日限委當職官招填投換闕額人兵并量增價和買遞馬並早令數足元
額相兼應副役使仍每月具招填過人兵及買到馬數申尚書省三月
二十七日中書省尚書省檢會元符職判勅諸巡轄馬遞鋪使臣私役所
轄兵級鋪夫罪輕者徒二年不以赦降原減着詳元祐以前編初並無遇
赦降不與原減之法乞止科徒二年罪從之崇寧元年六月十四日初
鼎州龍陽縣永安鋪與陵名相犯改為龍潭鋪七月十八日都省批送
下成都府路轉運提舉司奏劄會本路諸州軍每年差衙前管押上供及
別路年額衣賜并坊場錢買到物帛綱運不少多是沿路闕少遞鋪積壓
住滯雖有本條如遞鋪闕人許差廂軍及和雇人夫沿路州軍往往不為
便行應副蓋是自來未有立定罪名不任其責今欲乞今後川路諸般綱
運至州縣闕少鋪兵承受申報不為依條差那廂軍或和雇人夫貼鋪遞
送以致住滯許押綱人經本州及遞路監司次第陳訴或至卸納州軍申

陳移牒所屬擬治施行其于繫官吏並依綱運無故稽留初條一等科罪
所責各公共協力應副黃貼于稱乞縣無廂軍處如少遞鋪便行和雇人
夫及遂縣作料次預先請領封椿關額遞鋪廂軍請受錢在縣椿管準備
文遣如無或不足即於轉運司錢內依此椿撥伏乞下有司於元條內修
立施行兵部駕部勘當欲依所乞仍令逐州量度定每料錢數應副及
川路諸般綱運所至州縣關少鋪兵依條差那廂軍或和雇人夫貼捕即
難將諸般綱運一例差廂軍或和雇在外欲令外縣承受到上供錢物及應
副別路額衣場綱運申報關少鋪兵具合差人數申州及差廂軍如關便令
本州行下本縣依舊和雇施行戶部右曹金部度支看詳施本部別無違
礙從之 十二月二十二日兵部狀點檢編排自京至荆湖南北路馬遞
急脚鋪所狀今點檢得昂州教山鋪至辰州門鋪人馬除傳送文字外其
餘人馬多緣應副軍興差出均當官員諸色人打過體訪得上件鋪分蓋
是役多人少自未鋪兵傳送不速多作打過名目影占身役見別作孽畫
外檢會元符令諸急脚鋪兵不得令傳送官物蓋緣上項法意未盡致官
負諸色人等無所畏憚欲乞下有司立法應官員諸色人合破遞鋪權擊
輒役急脚鋪兵士或曹司者以違制論詔依兵部所申 二年正月二十

日駕部負外郎陳賜狀稿見諸路遞馬近來兵級養餉不切如法多是死
損以致闕馬欲乞令州軍記籍死數至年終將遞鋪馬數各以三分為率
無上件致死者管轄節級優立酬賞若有及五釐以上即科重罪及一分
以上仍移降重難去處其巡轄使臣至界終降依條比較分數殿降外更
與加賞罰節級自來未有賞罰兵部勘當欲依本官所乞事理施行內馬
鋪節級每五年終如無曉或致死者與支賞錢壹貫五百文若有及五釐
科皆五十及一分以上科杖七十詔依兵部所申 四年九月十八日尚
書省奉御筆舊條事干外界或軍機并支贖借兌急切備邊錢物非常盜
賊之類文書方許入急脚遞轉送擅發急遞自有立定刑名近來官司申
請許發急遞司局甚多其間有將私家書簡並不依條入步遞遣發却旋
尋開慢關移或以催促應入急脚遞文書為名夾帶書簡附急脚遞遣發
致往來轉送急脚遞角繁多鋪兵疲乏不得休息可參酌立定斷罪刑名
今立下條諸文書雖應入急遞而用以為名輒附非急文書者徒一年附
私書之類者加一等從之 大觀二年三月十四日詔秦鳳路鳳州鳳翔
府寶雞諸縣當川陝之會郵傳人年月給錢糧錢輕物貴而糧多坐倉收
雜食用不足以故逃逸者奏招募不行遂差在百姓運致官物監司恬不

永樂大典

卷一四五七四

指買而州縣利於差科配擾良民不給雇直陞滯網運可令提舉常平官
 體究事實具報慢官吏聞奏 三年二月七日荆湖北路計度轉運副使
 李傑言本路日有朝者急速違角往來續承朝旨如有住滯急速文字其
 提舉官一例重行黜責今日近朝者發來急速動經三四十日馬步逆經
 及五七十月至三兩月以上方始逆到全然違滯蓋為逆角自都下經由
 府界京西湖北路界內積留稽滯本路文字無緣點檢根柢深慮闕悞乞
 令具批慢不職因依一面申聞朝廷重行黜責從之 政和三年二月二
 十九日尚書省送到劄子高會急脚及馬逆銷昨稽置私拆盜毀亡失留
 滯約未法今備具近來所屬官司並不檢舉覺察近奉聖旨措置今欲依
 下項契勘昨為巡轄所管地分內有十里以上地分廣闊去處例皆檢察
 不適且如江西路虔州等處使臣一員見管地分三千八百餘里顯是不
 能依限巡過致銷兵作過今欲每及千里差置一員當額多寡處自依舊
 仍仰逐處路提舉官將所添使臣以州軍遠近道路順便接連去處重別
 均定具合以某處某名申吏部差注所有不曾添置去處如見管地里輕
 重未均亦仰重行均定其使臣解字仍於所管地分中路安置梓州路七
 千四百餘里管轄使臣四員欲添置三員葭州路六千五百餘里管轄使

永樂大典卷一萬四千五百七十四

七

使臣三員江西路七千三百里管轄使臣三員欲添置四員湖南路除
 潭衝邵州武岡軍各置巡轄使臣一員外求全道郴州桂陽監三千八十
 五里共管巡轄使臣二員欲添置一員河北東路四百八十八里管轄使
 使臣五員河北西路四千五百餘里管轄使臣五員河東路九千六百
 餘里管轄使臣九員京畿三千八百餘里管轄使臣六員熙州蘭湟
 路四十六百餘里管轄使臣八員廣東路五千一百餘里管轄使臣
 七員欲更不添置廣西海北二十三州計一萬二千六百餘里管轄使
 臣六員欲添置六員廣西海南瓊州昌化軍萬安軍朱崖軍共四州軍自
 來只是巡檢兼管巡銷未嘗專置巡銷使臣欲專置巡轄使臣一員京東
 路五千九十餘里管轄使臣四員欲添置一員利州路四千一百二里
 管轄使臣六員欲更不添置勘會逆角稽遲在法止是縣尉巡轄使臣
 有主定賞罰條格而縣官皆不任責亦無勸賞遂使巡轄使臣巡歷未至
 去處坐視違滯並不檢察欲馬逆銷並令知縣縣丞主簿同共管轄檢察
 任滿及歲終以所管界內急脚馬逆銷承送逆角賞罰內知縣丞比縣尉
 各減一等即無可減降及主簿並同縣尉法檢會令文諸急脚馬逆銷州
 縣鋪寨興廢或道路更移及官移文書隨事多寡而銷兵逆馬有餘或不

足者聽巡轄使臣申州量事那移更不得拘差他役令諸路並不曾依上條施行致銷兵轉送官物文字旁逸不均欲令提舉馬運銷官委巡轄使臣逐一參詳若依上條有合行抄銷分及添減人兵去處仰重行約定訖中尚書省勘會巡轄使臣今已立定每及十里一負然所居地分亦不下三五州軍雖比舊巡轄稍頻緣終是不得專一契勘急脚馬運銷除依舊每二十人差置節級一名外並無將校等催促轉送部轄欲令逐路轉運司除舊人數差置節級外諸州每及百人置十將一名每二百人仍置都頭一名五百人更置將校一名部轄及往來催趕運角官物其合置人數仰轉運司將逐銷見管人兵立定合如何排轉其狀申兵部類聚措置合轉階級中尚書省未轉補間今先次且於本城內差撥候有轉補到入逐旋替換詔依擬定 四年十一月三日京西北路提舉常平司奏欲乞奉司應奉西幸事務往來運角權入急脚運轉送詔應西幸事內急速者並入急運 六年十一月十八日詔訪聞諸路馬運銷傳送文字多有住滯沉失并偷拆等事昨降指揮措置差補將校部轄可檢會申明行下所屬限十日須管差置了當中尚書省類聚開奏 七年六月十五日宣義郎殿中丞李似奏募差自都至陝西點檢急運歷陝西六路沿邊州縣將御

永樂大典卷一萬四千五百七十四

前金字牌等處通角逐一驅磨盡已了當并催督綱運津書並無遺誤詔李似轉一官 重和元年十二月十五日兵部奏承權發遣提點淮南西路刑獄公事兼提舉馬運銷所俞向狀准批送下淮南西路兵馬鈐轄司狀請究得諸軍兵如有逃亡之人不即申發隱避詭名請領衣糧等款立定刑名告賞等事送兵部勘當中尚書省本部契勘巡轄使臣任內逃亡鋪兵負刑已有條令任滿比較自合遵依見行條貫所乞將兵官嚴終以所管鋪兵比較推賞及乞覺察詭名及冒名承代請受立定分數推賞事節乞下本路提舉馬運銷官相度今相度下項准西鈐轄司所乞巡轄使臣比較逃亡二分展磨勘二年今相度欲比附前項初條候任滿不及一分減磨勘二年從之諸路依此 宣和元年四月十一日朝奉郎直祕閣權知洪州徐揚奏檢會近緣去年五月以後頒朔布政詔書并急運等文字等運鋪往滯過期方到已奉御筆令轉運司體究巡轉運鋪使臣先次衝替與當職官並勘罪奏今未正月頒朔布政詔書係十二月二十一日入運沿路住滯經及三十四日方到雖在本月內已是下旬然當月止有五日後契勘逐時都進奏院遣來急運朝廷文字亦多是經及四五十日詔書依御筆指揮日行五百里常程急運日行四百里其沿路運馬鋪尚

敢仍前違慢。臣今體問得多。是曹級容令鋪兵售在與往來人擔條。或肆
為營趁積聚公角三百件。方差一二名貧乏者。負擔承傳。似此抄轉名件。
既多。擔券例皆負重。何緣依應條限。巡鋪使臣略不點檢。雖已移文逐路。
催促緣係別路。終是催趕不前。兼慮有朝廷急速報應文字。往來有失期。
會欲望特降。唐旨立法措置。仍下逐路提舉馬遞鋪。所督責巡鋪使臣當。
職官。於未鋪兵依條限傳送。免致違滯。奉御筆可措置立法。將上取旨。
八月十六日。權發遣京畿提點刑獄公事許德奏。方今州府縣鎮驛舍亭。
輻相望於道。以待賓客。其法固已具備。然吏習弗虔。不以時察。梁楸撓折。
或墻壁地壞。歲月既久。多致摧塌。使道路無所宿息。為行役者之患。臣職。
之所領。近在畿甸。日所親見。有若此者。四方萬里之遠。從可知矣。欲望特。
降。唐旨。俾諸路各行脩整。嚴貴州縣常切檢察。使出於塗者有所依。上亦。
足以裨盛時。仁政之萬一。工部供到政和令諸管轄驛宇館驛馬遞鋪橋。
道及什物之類。一就檢計。謂如解縣有損。即一驛之元。有損壞處。皆具三。
十貫以下。轉運提舉常平司。分認從所屬支修訖。申逐司。諸營造材料所。
支錢。及百貫。或創造三十間。每間不及四椽者。以四椽準。一。間申轉運司。
創造。及三十間者。仍中尚書工部。縣創造三間。或繕修十間。并應支轉運。

司錢者。申所屬相度行應中者。檢計仍委官。覆檢其創造及百間。具奏聽。
旨。諸營造材料。並官給闕官差軍工。採官山林。又無以轉運司錢買。若不。
足聽於中等以上。戶稅租內。隨等第。依實直。折詔坐條。申明行下。十。
月五日。中書省尚書省言。檢會政和初。馬遞承傳文書。違一時。杖八十二。
時加一等。一日徒。一年二月。加一等。配五百里。罪止徒三年。配千里。並重。
役處。急脚遞加二等。其法已嚴。近來急脚遞文書。尚多住滯。蓋是所至不。
肯即時交割。或行用錢物。使令越過人力。不勝。因致違滯。今參酌事。立告。
實斷罪。庶可懲革。檢脩下條。諸急脚遞承傳文書。所至無故。不即時交割。
或行用錢物。令越過者。徒一年。受財而為越過者。減二等。並許人告。諸告。
獲急脚鋪無故。不即交割文書。或行用錢物。令越過。及受財而受越過者。
錢三十貫。詔從之。八日。利州路轉運司提舉馬遞鋪。所奏。勘會川陝路。
之官罷任。準條。並破鋪兵。各有立定人數。訪聞近來。得替赴任。官負有自。
前路。遞鋪曹級。取受情囑。增差鋪兵。前來泊至本界。若曹級欲取文書者。
照多是。輒鞭撻勒令。依數差換。動經五七鋪。方今交替。鋪兵緣此。逃竄。闕。
人。般發。綱運乞。專立法禁。兵部看詳。法禁條。下項。諸初。供遞馬鋪兵處。
及所至州界。首鋪曹司。節級。取文書。驗實。巡檢使臣。在鋪者。並。上。驗。諸馬。

遞鋪應取文書驗實而不出文書使照驗不得供差人馬。諸因差遞馬鋪兵輒歐縛曹級鋪兵者加闕殿罪一等。詔從之。二年七月十日河北路轉運使李孝昌奏近奉聖旨差提舉河北東西路馬遞鋪契勘本路密接虜境每年國信往還應辦上供綱運等遞角浩瀚全藉有心力巡轄使臣往來巡察方免稽滯。近來他司却將不公不職使臣與本路巡轄使臣對移深恐別致誤事。乞今後巡轄馬遞鋪使臣不許他司對移充別職任。所有本路見對移巡轄使臣乞許令依舊歸任。元對不公不職使臣令別行對移施行。詔依并諸路依此施行。九月二十六日詔監司守臣等許發入內侍首遞角並仰以千字文號記。如有沉匿庶可根治檢察。三年二月二十八日勅會近緣捕賊諸處遞鋪傳送文字顯有勞役。仰巡轄使臣具經由鋪分曹級兵士姓名申轉運司特與量行犒設。三月十三日入內侍首武節大夫充睿思殿供奉權殿中省尚輦局司圍典御梁忻奏。臣奉御筆差自京至淮南往來催促驅刷遞角。臣竊見本路急脚遞所傳文字名色冗併角數浩翰鋪兵唯知承送難為區別。訪聞他路類皆似此。於馬遞鋪初條明有法令諸急脚遞不應發者徒二年。緣有司奉行滅裂略無畏忌。雖許巡轄使臣具奏。但人微官卑莫敢誰何。庶實封文字不能

窺測。積習滋久。寔以成弊。究其本源。往往多是因公及私。欲其速達。更不契勘。條令即入急遞前去。當此軍期之際。遂與奏報交錯。是致以一晝夜為率。動輒數百鋪兵。曉夕承傳。尚或不前。顯屬未便。雖非軍期。路分亦宜禁止。乞詔有司。嚴法令。載在本初。庶幾冗遞減絕。人力易勝。詔急脚遞所傳文字。有不應發而發者。致角數浩瀚。人力不勝。有誤軍期。可申明條禁。遍行諸路。如有犯者。並不以赦原。庶訪使者。常切覺察。四月二十三日。中書省尚書省言。檢會下項政和格。給遞馬人兵數。武功至武翼大夫二匹。一十八。武功至武翼郎二匹。七人。毅武脩武郎二匹。五人。內侍官二匹。三人。政和令。諸朝廷非次。差官出外。應納遞馬及補兵。兩應給者。聽從多。宣和三年二月十四日。勅修立。到入內侍者。傳宣撫問。使臣格遞馬鋪兵官二匹。三人。取到駕部狀。稱傳宣無問。內侍官差破遞馬鋪兵。如本官係脩武郎以上。合依政和令。從多給。若有押賜夏藥等官物。差破鋪兵。每人約稱官物六十斤。合隨所押賜物。多寡斤重。差破從之。二十五日。奏鳳路經略安撫使郭恩。奏遞角曹級盜狝罪名不輕。却有大小官員。便臣道。遞角或安下處門首。以借名。或安託諸監司。及州府。差未根利。遞角名。直於道中轉遞人處。取入安下等處。盜取所遞文書。抽看前

永樂大典

卷一四五七四

後轉到前鋪或至地頭驗出折損封頭去失文字不少契勘尚書省樞密院宣撫使司發與本司迎角及本司發去迎角莫非御前與朝廷邊防機密文字今來報取拆開觀看泄漏事節馬知不是甚細欲乞於盜拆迎角下吏添入詐欺遣往偷看者道迎角并迎鋪兵士擅便依從將迎角文書與上件人者重立刑賞許諸色人告捉庶幾可以止絕從之八月十二日德音應自京至軍前急脚馬迎鋪兵士等如有因公死於道路者仰所屬量事優恤其家又應自京至逐路急脚馬迎鋪近因轉送軍期文字遲滯避罪逃竄之人可自今來指彈到限一季許令首身並與免罪依舊收管勘會捕賊之際承發文字遲送訪聞鋪兵人力不勝間有稽留仰所屬子細取驗住滯文字如委非緊速不失機會者得免推究五年五月四日臣條上言契勘迎角文字實封遺發其不應入急迎而輒發者雖有斷罪刑名除許抽摘折驗外別無開防覺察欲乞應承受迎角官司將所發迎角置簿抄上元發遣去處月日時辰係是何事目元發甚遲分明籍記監司庶訪使者出巡所至取索點檢若有違法按劾施行契勘馬迎鋪兵請受微薄蓋是州縣從來不曾依條豫請口食借給越過鋪兵既食用不足必致逃竄欲乞應逐路所管馬迎鋪州縣須管豫支口食草料付逐鋪

永樂大典卷一萬四千五百七十四

士

節級收管遇別鋪人馬越過或雖非越過而地里寫遠亦計量即時借給若州縣不為應副即乞立定罪名及委從舉官常切覺察按劾施行詔坐條申明行下七月十四日知成都府席賁奏契勘諸路設置急脚馬迎鋪兵未受往來文書皆有程限不容違滯或私拆盜匿及有損失官司點檢封印傳發條法備具近緣迎角損破鋪兵經官申陳多不受理以次鋪分不肯交承遂致鋪兵打過直至本府往回數千里沿路並無口食乞馬前來本府已一面根究及別由給鋪兵口食屠并公文遣回外欲乞自朝廷立法約奉御筆高書省勘當立法本省今參酌增修下條諸急脚馬迎鋪所遞文書並驗封印及外引牌子交受傳送如有損失所至鋪分押赴本轄使臣或所屬州縣究治即時封印具公文遞行亡失文書者速報元發迎官司即傳送官物無人管押而輒角封記損動並準此以上因封印之類有損失而輒遣越過者日復失而委非開人越過月聽鋪兵經本轄使臣或隨逐州縣陳告仍聽所至官司覺察點檢申本路所屬監司究治犯處非本路者具事因申尚書兵部從之六年五月六日入內侍省奏勘當本省承受諸路州軍印司監司守臣庶訪等轉發到奏狀迎角欲乞遇有轉到諸處優下字號奏狀并不全筒角依例本省開奏牒尚書

駕部一面計程員限下巡轄馬逆鋪使臣逐一驅刷根透送所屬依條施行庶得通報機速文字不致措違失墜詔從之令中尚書省七月十九日詔輒以承受發下逆角為名差占鋪兵依私役禁軍法發遣者徒一年七年二月十六日詔置郵以傳命令近來鋪兵衣糧不給逃亡不補逆馬窮豆莩有存者遲慢至此巡轄官並罷別差能吏仰提刑司分按支給衣糧車料脩繕營鋪備足兵馬庶訪司覈實以聞三月二日京西路轉運判官文徽奏昨奉旨兼提舉京西北路馬逆鋪緣本路西京河陽鄭滑州係當三路之衝最為浩繁鋪兵勞苦理宜存恤自來差出使臣一槩號為走馬奉使不遵大觀條法往往毆傷人兵打過逆馬乞取錢物州縣觀望不敢繩治及當州縣當職官公為占破私自役使或以假人自來未有法令禁止詔逐路提刑司根勘私役去處聞奏今後大有差破及作名目占使折勒出備錢物之類並計庸坐職論令尚書省立法四月二日刑衛大夫安德軍承宣使直慶恩殿李亨奏臣竊見近降處分京東路提舉馬逆鋪所自後逆馬鋪兵不得更似目前非理勾集拘留所有人馬請給草料除合坐倉數外並按月撥備本色支給倒塌損壞營房及破官錢疾速修葺免逃亡人兵多方招誘並限兩月許令首身免闕逆馬疾速依條

永樂大典卷一萬四千五百七十四

七

施行臣近被奉處分前去京東路勾當公事其沿路一帶鋪分營房並未曾修葺雖有見管鋪兵去處往往不過兩三人承轉文字亦有無人交替鋪分致積逆角留滯程限誠恐有慢違防機速事務欲將諸路應干急脚馬逆鋪事務別委他司官專一提舉措置詔依奏應諸路今後並差廉訪使行照提舉漕臣專一應副五月四日尚書省言發運副使盧宗原奏依奉御筆拘收九路錢物措置難買斛斗逐時所行文字不必並是待報供奉御前近點檢得諸處發來逆角文字例各在路違滯動經累月有誤本司照應行遣檢承政和初節文急脚逆每歲指違通滿五釐者巡轄使臣縣尉各管五十使臣展磨勘一年縣尉降一季名次滿七釐各加一等使臣展磨勘半年縣尉降半年名次一分各人加一等使臣差替縣尉降一年名次今相度欲乞據九路州軍報應本司錢物文字並令入急逆別置簿層傳送每旬本州通判驛磨有無住滯保明申本司若有住滯其逆鋪兵級即送所屬依法斷罪外巡轄使臣并本縣尉許本司體量取勘申奏又奏契勘逆鋪衣糧往往不依時支給是致鋪兵逃竄乞持降磨旨今後鋪兵衣糧預於諸軍支給如有逃亡人數並依條限招差填闕從之五月九日德音京東河北路州縣應諸那緣應副違事官員往來逆馬不

足多向鄉村有馬之家充馬戶差使自今尚敢循習前弊仰監司廉訪使者按劾以聞當議重行黜責 七月十一日尚書省言諸路馬運鋪因事措置約束條法日備其轉送迎角網運留滯轉多盡緣當職官司偷墮苟且條令未嘗舉行馴致姦弊提舉官名存實廢漫不檢察為害甚大詔令諸路提舉馬運鋪官常切檢察按察巡轄官偷墮不職並仰依條按劾仍令逐路廉訪憲司各行按察每上半年具本路管下馬運鋪承轉過網運迎角數目有無留滯及應干合行遵守條法事件有無違戾逐一開具申尚書省類聚歲終具不盡不實並以違制科罪 十一月十九日南郊刺勘會崇寧年後來并昨因軍興有京起發河北路軍器銀鈔絹等綱運用迎鋪兵士推般依京西路軍器例每人日支口食二升五合訪聞有司捋其間不係推綱日分支過口食於鋪兵月糧內剋納及干繫人名下均攤多致逃竄應上件推綱鋪兵已支口食如有不該鋪破並與除放 欽宗靖康元年七月二十三日臣僚言竊見兵革未弭羽檄交馳凡有號令及四方供應文書類多急運今聞畿邑如尉氏鄆陵等處及京西一帶迎鋪兵卒頗多空闕而州縣恬視不以填補至有東南急遞文書委棄在郵舍廳廡之下數日無人傳者且如福建路有經半月二十日杳無京報遠

方官更妄意疑懼及會問兩浙方知畿甸平定欲乞嚴戒州縣遞兵有闕速行差填若兵卒差補不足衣糧不支支而踰期或容縱人侵削責在縣令事干州郡者責在知通仍仰監司李輪一負親詣或委官點檢若函奔容縱者坐罪并鋪屋破壞處亦便修葺從之 高宗建炎元年五月一日赦應急脚馬運鋪兵因金人所至逃散可專委本路提刑司疾速招置仍依時支破請給三日又詔下諸路提舉茶馬鋪所多方招誘又將急脚鋪先次剋刷諸色廂軍補填請給衣糧令按月支遣除傳送文字外其餘應合破運馬鋪兵權行住罷候措置就緒日依舊六月一日又詔令諸路轉運司先次將差出人拘收歸元未去處其逃亡闕額於本處廂軍內撥填其請給三分中更增一分舊人依此請給並與雜免諸般差使專一傳送文字如招到後却有逃亡出首之人其所增請給更不支給 九月二十一日臣僚言有司失職郵傳不通陛下即位以來詔令多矣而浙東州軍所被受者雖兩赦及四五御札其他片紙不傳浙東距行在止貳千餘里而命令阻絕如此彼川廣福建可知矣契勘諸道進奏官遇有被受文書置時遣發或合膽寫播告各有成法比緣一切指揮官吏分番其留行在者一月一易遂致廢事竊謂寺監局務官司事屬一體雖分番次未為甚

官唯進奏人更分掌諸州一吏下番則一州事廢雖有無權之人孰肯盡心典領他人之事又馬逆鋪兵緣軍興調發或因招軍許令利換故所在多有闕額之應進奏院官吏並隨行在元文書被受賄寫入逆並依常法敢有違滯重寘典憲其諸州應有進奏官供給及羊例應副之物並仰發未行在伴為紙札之費仍乞戒歸諸路提舉馬逆鋪官督責巡轄使臣招填鋪兵驅磨通角或違慢仍令諸司互察及門下後省點檢按劾施行其文字不到亦許諸路州軍徑申門下後省庶幾四方萬里皆得聞朝廷號令知陛下憂勤愛民之意詔進奏院令監官條具申尚書省餘依二年正月十六日詔江南東路轉運副使李漢兼本路提舉馬逆鋪五月一日措置東南馬逆鋪徐公裕言乞將逃竄鋪兵自指揮到日限一月經所在出首特與免罪依舊收管從之五日又言昨點檢到淮南急脚馬逆鋪兵內有額外到逃逃走人數並支破請給其見闕人兵鋪分却不曾發填緣昨請降聖旨將額外人數令本路從舉馬逆鋪監司比類撥填見闕去處若無闕並申解本州撥填以次鋪分如本州管下又無闕即申解轉運司差填本路州軍並不許額外收係竊慮江浙等路亦有似此額外收到人數乞於前項指揮下逐路提舉監司施行責免增費請給詔依 六

日御營使司奏馬擴劄子諸州縣道路馬逆鋪緣兵火殘破未曾復置訪聞諸處軍馬出入於所經州縣以和佳為名科差逆馬人夫因而撥獲今未本司應于官屬乞更不差外尚慮諸頭項應撥軍馬官屬及奉使監司等官備例差撥乞將應于過往官員合差逆馬鋪兵權行任罷候遣事寧息日依舊所責杜絕撥獲害民之弊仍乞下本司遵守按劾施行從之數內監司奉使官合差逆馬鋪兵不可闕者乞許破省馬廂軍 十一月七日知揚州黃頴言勘得九女湖逆鋪王安擅拆東京留守司逆角事詔王安特依單法今後如有擅拆令開拆窺者之人並依此施行 二十二日敕今奉敕書慮有闕少鋪兵轉送未到去處仰諸司諸州縣鎮被受日時騰錄互相關報鄰接官司疾速奉行如有違滯並科違制之罪 三年二月十八日知杭州康允之措置本路衝要控扼去處據鋪兵墩每十里置一鋪專一傳遞日逐探報斥堠文字每鋪五人新舊弓手內選有心力無疾病能行步少壯人充每日添支食錢三百文省每鋪並限三刻承傳置厝批寫時刻每五鋪選差有材幹年五十以下使臣一員不以有無拘礙委逐州於見任得替待闕官內日下抽差或召募有物力武勇人借補建義校尉充往來巡轄候及一季無違滯有官人轉一官召募人與正行收

永樂大典

卷一四五七四

補州委知通專切點檢縣委知縣尉主實月支食錢三貫文如無違滯者
 一季減二年磨劫從之三月十八日廉允之又言巡轄官知通知縣縣
 尉除鎮江府至常州以北遠近大江最為緊切去處欲依已畫降指揮支
 給食錢及推賞外所有無錫縣以南係近裏優穩故比前項支錢推賞各
 行減半餘路亦依此比附施行所責輕重均齊從之五月三十日樞密
 院奏今來車駕駐驛江寧府本所諸處別無盜賊亦無大段文字傳送欲
 將斥墩舖先次住罷發還弓手餘路合罷處依此從之六月二十日詔
 沿江州軍及沿江制置使司疾速措置將本州管下沿江地卷量遠近相
 度上連下接支破官錢計置輕捷小船子二隻選募會船水棒梢每船三
 人每人支食錢三百文專一傳發斥墩軍期機運文字仍令接界地分依
 置船傳送委自逐縣令位并巡轄官常切點檢及置屠抄上名件出入界
 日時本州知通每旬取索點檢候軍事定日住罷四年八月一日詔令
 沿江諸州守臣依已降指揮日具探報事宜入遞舖及專差人齎申樞密
 院以侍御史沈訥與求言道路傳言賊騎猶在屬漢等處朝廷雖聞遣探報
 動涉旬餘或有事宜知之已晚乞更下沿江州軍專委守臣差人探賊馬
 動息排日申樞密院仍令沿江路縣尉差弓手連傳迎前來故有是命十

永樂大典卷一萬四千五百七十四

十五

四日臣僚言近日傳報虜騎動息不一緣諸州緩急多失關報其情州差
 人探報止是詢訪道路或憑私書展轉傳聞多致悞事乞令諸州委疆幹
 官一負兼領其事并差得力吏人三名為斥墩司輪差廂軍二十人以備
 傳報其沿江州軍舊有烽燧去處乞申嚴行下有未遍處更令增置候事
 平日課殿最賞罰其匿不時報者重行黜責詔令兩浙江南東西路并沿
 海州軍疾速措置施行二十日臣僚上言竊聞近於海上置水斥墩朝
 廷遣仲元在四明辦集但海道闊遠可備處非一萬一有警欲以小舟犯
 不測之險連連難期况海濱之民以魚鹽為業老幼悉在舟中今不論舟
 之大小皆取之民既失業為變不難前者定海官更幾有被害者乞下樞
 密院或令明州守臣相度利害具海濱要害之地可以置斥墩處合用幾
 舟其甚小者不須勾集或海面闊遠風濤不測即乞於海岸高山置卓望
 以備探報其已勾到舟船乞放逐逐便詔令樞密院措置施行二十六
 日樞密院言訪聞近日有妄稱軍前差使或監司等處官屬於經過斥墩
 舖擅勒保甲稽擊詔令江浙路帥司行下所屬州縣於諸舖曉示如有逼
 勒舖分保甲稽擊之人密具職位姓名申樞密院當議重行典憲九月
 二十六日樞密院言近來諸路轉送邊防等文字例各留滯詔令提舉馬

連鋪官履行督責巡轄使臣須管依條躬親過詣所轄鋪分約束鋪兵遇有文字即時傳送不得遲滯州委通判縣委令佐專一檢核巡轄使臣到鋪分月日及所連文字如犯慢失職所屬州軍具同依奏劾施行及指揮轄下關津把隘去處如鋪分及往來投下文字之人辨驗諸實放行無致阻節如違其提舉馬迎鋪并所委官重行黜責巡轄使臣當議停降鋪兵次配 十月五日詔令江浙州軍日具平安狀與探報到事宜一處入斥墩鋪飛申報察院其逐路帥司亦仰依此申發 二十日詔令兩浙提刑施炯日下起發前去鎮江江陰以來置司專一總領諸州縣所置斥墩鋪措置督責沿江及北探報應有事宜火急傳報若少失機會必重作行遣以報密院言金人見在承楚未見所向切慮不測窺伺宜明五斥墩故有是命 二十四日建康府路安撫大使兼知池州呂頤浩言本司專屬官一員往來督責沿江所置斥墩鋪轉送應干軍期探報文字竊見斥墩鋪緣諸官司將尋常慢文字一例轉送致軍期緊急因此稽滯檢照政和救節文諸急脚連不應簽者徒二年馬迎減二等今果用兵之際乞立法應官司非急速軍期及賊盜探報文字輒入斥墩鋪者官負勒停吏人決配仍不分首從如不應入斥墩鋪文字所至官司承受不即申舉者與同

永樂大典卷一萬四千五百七十四

罪及專責縣尉每月過詣斥墩鋪點檢其提舉馬迎鋪官更有失覺察與擅發斥墩鋪官吏同罪及於市曹出榜道路粉壁曉示從之 十一月七日詔諸路可依舊每五里置一鋪每鋪輪差保甲五人貼司一名傳送抄轉專委縣尉巡轄 紹興元年三月十九日兩浙提刑施炯言平江府常熟縣探報通泰金人已回本楚欲乞斥墩鋪只留保丁二人同土軍或弓手一名傳送探報文字餘人乞行減放據江陰軍中水陸斥墩共差募保甲保甲等一百一十四名月支錢九百貫今番巡遠道乞行住罷欲將諸處所置斥墩鋪並行住罷止於管下通鋪內選差兵士三人專一承轉探報事宜文字每人日添支錢七十文其傳送時刻約束斷罪並依斥墩鋪保甲已得指揮仍依舊專委縣尉巡轄松江頰海所置水斥墩乞並令住罷專責巡尉差撥弓兵巡船探報詔鋪兵每鋪差五人其斥墩差置鋪兵就緒日住罷餘從之 四月七日和州無為軍鎮撫使趙霖言本鎮奏報朝廷文字經由太平池宜廣德等郡界次入浙路州軍或由建康府次入浙東方進行在近入急連尚慮稽遲欲乞下太平等州軍照會應本司軍期文字許入斥墩如有稽遲許霖奏劾從之 五月二十四日詔江南東路差王埒西路差張隲專一提舉馬迎鋪兵將轄下見關鋪邊依建炎元

年五月已降指揮先次別刷諸色廂軍補填仍選擇少壯健捷之人均撥
諸鋪專一傳送御前金字牌逆角如人數闕少即於關慢鋪分摘那差使
須管每鋪各有少壯專一承傳並仰依法不以晝夜鳴鈴走逆前鋪聞鈴
預備人出鋪就道交收不得時刻住滯其餘關頭如廂軍內補填不足即
限一月招填數額其合用物較糧並預行那融務辦足備須管按月給
散不得減尅其見例塌鋪屋限十日一切修葺了當州委知通縣委令佐
常切檢察遇發到逆角並具前路元承受及發遣日時申提舉官即時驅
唐點檢如有住滯仰將當職官并合千人具狀徑申尚書省當職官取旨
重行停降合千人次配若蓋庇不申與當職官一等科罪仍嚴切約束巡
轄使臣不住往來點檢鋪兵常令在鋪候傳送若過往奉使監司等官
違法差役並科違制之罪不以去官赦降原減仍許被差兵級徑赴所監
司越訴即時備申尚書省其所差提舉官限今未指揮到一月內須管一
切措置軍備仍逐旋具補填招刺兵級人數及修葺過鋪屋申尚書省若
朝廷差官前去點檢得逐路提舉官承受今降處分措置違慢並行覈責
十一月十九日都省言已降指揮止為江南東西路分亦有轉送軍機急
速理宜一體詔餘路並依江南東西路已得指揮施行并刷下江南東西

路提舉官依已降指揮常切檢察 七月八日樞密院言防秋在近所有
邊江并衝要州軍屯宜嚴謹上連下接文字不致稽違欲於樞密院選差
使臣二十二員分往臨安平江鎮江建康府廣德南康興國江陰軍太平
秀常湖廣宣徽池江洪鏡信衢婺州管界點檢催促並要足備鋪兵請受
依時給散如遇關人申催差置如不即施行其事用申樞密院詔並依其
所差使臣令戶部別給驛券隨處批請須管往來點檢仍探報賊馬事宜
的實候過防秋別無稽滯特與推恩如或搔擾必罰無赦 九月二十六
日詔今江浙路委點檢斥隄監司遍下州縣今後並依已降指揮將軍期
急速及賊盜探報文字分明題寫入斥隄鋪傳送外其餘常程關慢文字
不得依前亂行題寫如點檢得尚有違戾並依輒入斥隄鋪指揮斷罪
三十日樞密院言浙西一路皆遣江州軍防秋是時斥隄正當嚴謹不可
少失措置詔本路提點官施峒權於平江府置局躬親往來催督州縣火
急差置務安足備所傳文字依限傳送不替稽滯 十月七日樞密院言
自鎮江府江陰軍至行在并江東西路沿江州軍至行在斥隄近來轉送
文字稍多理宜搗設詔逐州縣斥隄鋪兵每人各待支錢一貫文 二年
閏四月二十九日臣僚上言信州鉛山建州崇安縣舊因福建綱運并錢

監般發銅貨遂於兩縣置擺鋪兵級十營共一十人。近來福建銅運多由海道。煎錢監銅貨闕。其擺鋪人兵僅成虛設。傳聞崇安縣擺鋪人兵建州已刺填闕額。其鈔山擺鋪兵級亦恐合行刺填。乞下本州勘會。如委合減罷。或量行存留外。其餘並刺填鄰近州軍。闕額額軍。詔令福建江南東路轉運司相度申尚書省。九月八日。江南東路安撫大使兼充壽春府滁濠廬和州無為軍宣撫使李元言。措置防秋。淮西州軍與偽境相接。務在明建。其淮西與江東隔江。時邊報雖已擺鋪傳送。竊慮緩急風浪。不能濟度。却致阻滯。本司遂於沿江相對置立烽火臺。舉煙火色號報應。及於緊要津渡。差撥人兵防押。遇警急即自遠及於所也。兵馬抽摘調發前去同共防拒。詔依令。李元言相度。隨地勢高阜去處。立烽火臺。若土脉不堪築臺。即以木為望樓。無致緩急有失。事機嚴切。約束不得撻擾。和州與太平州建康府相對。置立去處。梁山渡口與太平州楊山對。采石渡口與太平州東來石對。當利河口與太平州慈湖對。車家渡口與建康府馬家渡對。石嘴口與建康大城壘對。無為軍與太平池州相對。置立去處。泥汭江口與太平州荻港繁昌對。柘江口與太平州蕪湖縣三山對。穆潭口與池州銅陵縣鶴頭山對。每日平安。即於發更時舉火一把。每夜

永樂大典卷一萬四千五百七十四

平安。即於次日。日平安時舉煙一把。緩急盜賊不拘時候。日則舉煙。夜則舉火。各三把為號。十九日。詔今後過往命官。將校軍兵。如敢差役。斥壞鋪兵級曹司。依巡轄馬。逆鋪使臣。私役法。一等科罪。三年五月四日。河南府等州鎮撫司幹辦公事雷震言。契劾本鎮也。守邊陲日久。備戰不住。差人探報。蓄賊動息。并東京虛實。若專差官兵。齎赴行在。投進。往復經隔月。欲望後有探報賊馬。急速文字。用皮筒實封。專差人齎至。鄰鎮交割。轉送近襄州軍。入急遞。赴行在。投進。如有違滯去處。乞重賞與憲從之。六日。樞密院奏。日近不任。有御前金字牌。并朝廷急遞。發下襄陽等州鎮撫使。副都董董光。權商。號陝州鎮撫使董震等。軍期機速文字。所至條限。即刻走傳前去。合經由下項州軍。深慮有無。鋪兵去處。別致留滯。詔令逐處。遇有金字牌。并朝廷發下。應干軍期文字。仰即刻走傳。如無鋪兵處。令所至州軍。專差得力人三名。走傳前去。逐州遞相交割。不得稍有往滯。仍專委通判。驅磨根究。依法施行。及每月具本州傳送。過名件字號。開排承受。傳送出界。月日時刻。有無違滯。申樞密院。十四日。入內侍省言。臨安府浙江通鋪兵士王明。轉到荆南府歸峽州荆門公安軍鎮撫使解潛。應字號奏狀一筒。赴本省投進。今點檢得上件通角。撮繫鬆慢。封頭磨擦。破損。

永樂大典

卷一四五七四

竊慮出入得文字。兼前項排發應字。即非千字文內字號。除已賺本官。今後遇發奏狀。遵依已降指揮。以千字文號記發外。其違角今進納。若內有本省行移公文。却乞降下所有唐孫狼壞封頭去處。乞下尚書駕部限究依條施行。從之。七月四日。江南東路提刑張匯言州縣間奏。數與提刑司審覆茶等。有經累月而未下者。蓋是連角中沉墜。使可貸之。因茶繁而死深可憐憫。乞下諸路應奏與申詳覆等。並須專差院虞候。或有行止急脚子二名。投下。被差人並破口券。仍量添食錢。使令守待。以所斷茶。依條限責付齋回。日以百里為限。大理寺參詳張匯所申。內命官職茶。若令依條入連前來。竊慮沿路計囑轉送之人。裹私收匿不到。及道路十里以上去處。申奏并申提刑司詳覆。諸色人獄茶。若令入連往還。竊慮道路被溢沉失。理合措置。今欲依本官所乞。應有似此公案。並令本處專差有行止二人。同共齋擊投下。令所差人守待回報。恐所差人在路事故。亦不計囑嚴展。仍令本處寫錄一般茶狀。依條入連。務要不致沉失。所有道路千里以下。通快去處。公案依法已許入急連。日行四百里。若刑部承旨斷茶。依條亦合別錄行下。如遇鋪指連沉失。緣已有前項條法。乞坐條申嚴行下。委諸路提舉馬連鋪。及驅磨當職官吏。常切約束。月具轉送過獄案。并朝

永樂大典卷一四五七四

十九

廷降下斷教名件。刷報本路提刑司。行下所屬州軍。復行點檢。如有指連沉失去處。其合于連鋪兵級。并巡轄使臣。並令根勘具茶聞奏。乞從朝廷特降指揮。重賜斷遣施行。詔餘路依此。仍檢會應干見行條法。申嚴行下。十四日刑湖南路安撫使折彥質言。修武郎薛差全永州巡轄馬連鋪。張宗閔申永州三十鋪。元額管兵級三百五十六人。宗閔到任。交割到二百三十四人。累行招到三十餘人。近來廣西押戰馬綱官到鋪。不恭奉聖旨。擁住鋪兵。糖等指揮。亦不容曹級執履。及不問有無人兵在鋪。須要差破鋪兵。糖等。應副稍頓。即撞入房舍。捉縛婦女。或倚勢收拾兵級衣物。動使押令鋪兵。快送沿路。更用棍棒。毆打過三五鋪。或他界。動經旬日不回。是致飢餓逃亡。即次開落。截自五月終。只管一百八十餘人。大路鋪每鋪只管三五人。小路鋪或有一兩人。即日大段闕額。急連文角到鋪。委是闕人走傳。本司欲勾進犯人。根治竊慮馬綱留滯。乞行下廣西經略司。嚴行約束。詔令廣西經略司。提舉廣西買馬司。詳折彥質所申事理。今後遇差押馬使臣。當官分明戒約。如有違犯之人。具因依申樞密院。重行斷遣。仰兵部。通牒廣西。至行在馬綱。經由透路轉運司。提舉馬連鋪。兵官指揮所屬。依此施行。仍令所轄州縣等處。於馬綱所過馬連鋪前。將今降指揮。分

明粉壁曉示。各具知舉聞奏。紹興四年五月五日。樞密院言。檢會臣傳上言。乞督責諸路帥臣。參稽所部州縣道里遠近之宜。布斥壤之卒。審休迭往。使不告勞。詔令樞密院措置。今檢會前後所降指揮。一欲令淮南荆湖江南兩浙。通接沿邊。探報軍期急切。及平安文字。赴行在。經由州軍去處。並取便路。接連措置。擺鋪至臨安府界內。並合相連接。置擺鋪。其應置擺鋪去處。並依後項事理施行。一徽州等擺鋪。以三十里一鋪。竊慮地里稍遠。因而遲緩。欲以二十里置一鋪。每鋪差鋪兵五人。先於開慢鋪。分那差。如不足差。廟軍每日添支食錢一百五十文。每月一替。并差貼書。或軍典一名。每日添支食錢一百五十文。並每季一替。一每州委守臣。專差捕使一員。往來報刷。傳送每日添支食錢三百文。仍與貼司。或軍典一名。報刷行遣。每日添支食錢二伯文。每季一替。一今來擺鋪。傳送文字。如有遲滯。軍兵依傳送金字牌。文書條法科罪。其指使失覺。察兩次杖一百科罪。一諸州縣。報將不係探報事宜。及非平安狀。入便路擺鋪。傳送者。其當職官吏。依不應發急脚。逐條法科罪。一已降指揮。過往官員。於經由地。必差撥鋪兵。擔擎物色。牽挽舟舡之類。並免應副。如不依約束。擅行差撥。具名衙飛申所屬。報究施行。今欲便路擺鋪。軍兵。輒別差使者。並依私役禁軍

永樂大典卷一萬四千五百七十四

二十

法。仍於逐鋪曉示。一已降指揮。鋪兵請受。並須按月支給。不得留滯。打請人數。妨本鋪差使。仰所屬縣。務據每日合支錢數。並五日一次。前期預支。今欲依此施行。仍將不按月支給請受。及不前期支給食錢。官吏仰往來。根刷使臣。申州報勘。依諸軍請給過期。不支條法。斷罪。一擺鋪所差軍兵。過關。仰往來根刷使臣。即時申所屬。限日下差足。如違當職官吏。並科違制之罪。一擺鋪屋舍。所屬疾速修葺。如日後倒塌損漏。仰往來根刷使臣。申所屬。日下差人。前來修整。一往來報刷使臣。私役鋪兵者。依前項報別差使。私役禁軍法。斷罪。一自來水路。置急遞船。傳送文字。州軍若比擺鋪。通次去處。並依舊。一今來欲專委逐路帥臣。逐州軍守臣。火急依逐項擺置。更有合行事件。一就措置。及常切督責。沿江沿邊州軍守臣。厚支救賞。專差信實人。體探具的實事宜。日下實封。入擺鋪。飛申樞密院。仍先具本路州軍。已置鋪。必相去接連。著望去處。所差人數。一切畢備。日時聞奏。一今來委逐路提舉馬。運鋪監司。不住點檢。如有違滯去處。即依今來立定。斷罪。指揮施行。每月具點檢。過有無違滯去處。申樞密院。詔並依。九月十八日。都省言。權發遣江南東路提點刑獄公事。及專一總領。措置傳送斥壤。兼提舉馬。運鋪張。已降指揮。放罷。其專一總領。措置傳送斥壤。兼

提舉馬進鋪官未嘗差人。詔差轉運判官俞傑。同日川陝荆襄都督府言。勘會今來出使所有朝廷凡本府往來文字。若有違滯。竊慮有誤軍期。欲乞於經由路發。從本府於準備將領。或準備差遣。差使使臣內逐路各選差一員。專一催促往來通角。其請給人從等。並依本府畫一指彈內支破。令所至州軍應副。仍乞行下逐路轉運司。及提舉馬進鋪官。開牒經由州縣照會從之。先是樞密院檢會。臣寮上言。乞督責諸路帥臣。參摺所部州縣。道里遠近之宜。布斥堠之卒。審休迭往。使不告勞。詔令樞密院措置。故也。三十日兩浙西路提刑向宗厚言。依先降指揮。添置斥堠鋪。乞添破軍兵食錢。每日給三百文省。詔從之。十一月二日向宗厚言。本路八州府迎鋪。止有巡轄使臣二員。緣地分闊遠。往來遲緩。催督不前。乞降指揮。許每州各於添差官內選差一員。專一往來照檢斥堠。除外依條破驛券外。每月別給食錢一十貫文省。仍於本州抽差人吏一名。行遣文字。每日給食錢三百文省。從之。十二月六日右司諫趙沛言。江南東路淮南西路宣撫使司。近緣承受御前金字牌。連角計任滯一日五時辰。樞密院已割付平江府根究。尚未見施行。乞下三省催督平江府。依法科罪。所有巡轄使臣。乞時行停降。別差人承替。仍乞檢會建炎四年。及紹興元年內。

所降指揮。申嚴約束。詔令平江府疾速根究。仍令兵部檢會條法。行下。二十日樞密院言。朝廷置五斥堠。專為傳送探報金賊。并盜賊文字。前後立法。非不嚴切。比緣臣寮申明官司。非急速軍期。及盜賊探報。不得輒入斥堠。致將應涉軍期事。並作急速。皆入斥堠。略無分別。探報文字一例。違滯。欲望割下諸處官司。今後如有合入斥堠文字。並分明題寫係軍期。及探報。如不題寫。其斥堠鋪不得傳遞。仍乞檢會元降。止得傳送探報金賊。并盜賊文字。及官司。以不應入文字。擅入斥堠鋪。並勒停。更人決配。并官司承受斥堠鋪。逆角內。非探報文字。不即舉覺。與同罪。指揮鑄版。頒降州縣。庶幾有以杜絕。詔令樞密院檢坐。已降指揮。申嚴行下。令逐路州縣。常切遵守。無致違戾。二十七日。詔諸色人。輒於斥堠鋪。兵書手。乞取錢物。不以多少。並次眷刺。配嶺表。官員失覺。無以違制論。五年正月二十七日。詔除建康鎮江府。至行在斥堠鋪。依去年十一月四日。已降指揮。每鋪用鋪兵一十人外。餘州止。依元降指揮。差鋪兵五人。二月二十二日。詔今後尚書。行下諸路文字。如有事干機密。並入本省。急遞發放。仍責立限日。令本處回報。或專差人齎回。申文。狀赴省。其外路官司。承受今來。朝廷責限回報。并專差人齎發。回申指揮。如有稽滯。本處人吏。決配嶺表。當

職官並行竄逐令刑部通牒諸路遵守及令逐路提舉馬運鋪官督責巡
轄使臣遞承受尚書省遞角即時轉發其承受處仰互便批回內引如有
留滯提舉官按劾施行 六年三月六日成都潼川府夔州利州等路安
撫制置大使兼知成都府席益上言四川去朝廷最遠臣被命入蜀道由
荆南歸峽之間全不見遞鋪傳送文字間有一二皮筒通行皆是措遲累
月欲自荆南以西接夔州界委知荆南府薛弼專一措置其荆南府以東
即委本路提舉馬運鋪官措置所貴遠方奏稟及朝廷行下文字不致沉
失從之 六月十八日兩浙西路提點刑獄朱緯言乞據斥嶽遞鋪見闕
鋪兵從朝廷行下諸州知通判刷廂軍或募軍補足并一面專委所屬知
縣多方招召土着之人責限足額如奉行減裂乞從提舉官按劾詔令諸
路州軍依此 十月八日尚書吏部侍郎光都督行府參議軍事呂祉言
沿路斥嶽鋪遞角壅併皮筒竹筒并封角文字每番多至三五十件少者亦
不下十數件數目既多類皆積壓作一番傳送蓋緣諸處申發文字利於
速到往往將常行文字或書問之類入斥嶽且如錢糧軍器雖係軍期比
之探報事體不同欲乞朝廷詳酌除尚書省樞密院都督行府諸路宣撫
安撫司沿淮沿海遼面州軍探報文字許入斥嶽外處并常行不係探報

文字不得入斥嶽不應入斥嶽而入斥嶽者重寘以法從之 十二月一
日詔應自淮南軍前轉遞至行在鋪兵晝夜往來委見不易各與搗設一
次內淮南鋪分倍與支給 二十日尚書省言斥嶽鋪差官點檢蓋防留
滯日來州縣所差到鋪頻數不無搔擾及有取索簿曆帶往前鋪點對驅
磨甚者過三四鋪遞使承得文字無曆書傳上用草單抄上多有差誤詔
通判遇季點縣尉遇出巡因便點檢巡轄使臣及提舉馬運鋪所委官自
合依舊常切驅考不得頻併却致搔擾其傳送文字簿曆並依急脚馬遞
鋪條法施行所有正厯點檢官不得將帶過前一鋪如違重作施行 七
年正月十日樞密院言兩浙西路提舉馬運鋪朱緯申近點檢得本路傳
送急遞斥嶽文字唯有嚴州路臨安府一帶遞鋪住滯最多訪聞臨安府
湖嚴州巡轄使臣脩武郎房仲元不躬親往來批刷催督以至鋪兵將承
傳文字積壓留滯除房仲元送嚴州取勘依條施行外申聞事詔房仲元
先次放罷令提刑司催督疾速取勘具奏甲樞密院 九月二日明堂大
禮訪聞諸路鋪兵多是所屬不為按月支給衣糧因致逃竄却以外軍
兵冒名承傳緣所持文書內有干邊防事務竊慮冒名人夾帶器械偷藏
逆角漏泄事機仰逐路提舉監司嚴責當職官覺察改正仍許鋪兵冒名

永樂大典

卷一四五七四

人限一月自陳。並與免罪。內銷兵依舊收管。冒名入兵。發歸元來軍分。與免本營問當。仍令州縣今後須管按時支給衣糧。毋致少有失所。如敢違戾。令提舉官接劾以聞。十年閏六月十五日。詔順昌府官吏軍民等。狂虜犯境。至師扼衝。惟爾吏民。協濟軍事。保捍城壘。驅過寇攘。眷乃忠勤。宜加撫慰。管下遊鋪兵級。更與犒設一次。紹興十一年三月七日。內降壽春府廬濠滁和舒州。無為軍。德音。自行在至軍前。金字牌及流星斥候兵士。並令逐路轉運司等。第增倍犒設一次。十二年五月二十九日。樞密院言。日近據川陝宣撫司申。路中有盜折逆角。藏匿文字。卻入白紙。在內傳送。除已節次行下。經用路分。根究施行外。訪聞諸路鋪兵。緣州縣不時支給錢奉。多有逃竄。招填之初。又不審問。行止來歷。便行收條。及襄郢之間。每鋪止有三二人。或婦人。傳送去處。是致容姦。匿盜深為不便。詔逐路提舉官。下所屬州軍。將所管鋪兵三人。結為一保。據闕。顯人數。並仰招收土人。及隣近州縣。行止來歷。分明之人。或別那兒。管廂軍充填。依時支給請受。須管措置。招填足額。不得依前。令婦人傳送。仍委當職官。鈐束鋪兵曹級。子細驗認。逆角封頭。分明交轉。如有違戾。重寘典憲。六月三日。臣寮言。湖北。京西州縣。據上流之勢。與虜為鄰。訪問兩路。往往並無逆鋪。縱

永樂大典卷一萬四千五百七十四

二十三

使有之。不過身挾三四間人。兵一兩人。亦無請給濟贖。遇有文移追集。鄉夫傳送。皆是前期閉之幽室。無異囚繫。每一鋪差夫十餘人。十日一替口。食各令自備。道途往返。動至逾月。輒廢農務。遠邇騷然。不惟百姓無復歸業之期。而猝有警報。責之此屬。豈不違滯誤事。乞委西路帥憲。脩蓋鋪屋。招填兵級。應于請給。悉從近制。嚴敕州縣。不得依前。差料鄉夫。詔委田師中。劉鈞。同逐路提馬。逆鋪官措置。鋪兵請給。須管足備。無令欠闕。具已措置奏聞。八月。臣寮言。近因赴闕。所過州縣。逆鋪多者。不滿三數人。少者止一兩人。或止一名。逆筒委積。擔負而行。儻涉軍期。豈不誤事。蓋緣州縣請給不時。既闕。餼糧不免逃竄。欲望明詔。諸路提舉馬。逆鋪官。嚴行督責。所部州縣。將見今鋪。必闕少人數。須管依近降指揮。照元額撥填。仍自今後。合得錢糧。逐司支給。月具所支過單。甲姓名。結罪申提舉馬。逆鋪官。逐季類申樞密院。如有違慢。當行官吏。重寘典憲。照依已降指揮。委提舉官措置。仍委逐州守臣。逐路漕臣。應副請受。無令欠闕。樞密院。逐時差官。點檢。如有闕誤。當職官一等科罪。十三年八月二十一日。御史中丞羅汝楫言。祖宗郵傳之制。有步逆。有馬逆。有急脚逆。其文書事干外界。或軍機若朝廷支撥。借兌急切。備遺錢物。或非常盜竊。並入急脚逆。日行四百里。

近歲脩立斥隄法。尤為嚴密。州縣官吏誠能遵法而行。存恤鋪兵。徐加督責。豈有傳送稽留之患。昨緣多故。乃更置擺鋪。事屬重復。逆茲事定。尚爾因循。且江西一路。每州所差兵級數十人。除本身衣糧外。各借請三箇月。每日添支米二勝錢二百五十文。兵級既聚。盡耗不貲。米糶又復更者。米住紛然。諸郡苦之。乞下本路。將擺鋪廢罷。所有兵級發歸元差州郡。看使餘路及諸州縣。置擺鋪准此。少減冗費。推此所得贍養。舊來鋪兵。以特給其衣糧。使之溫飽。且委逐路提舉馬運鋪官。開具措置。仍令兵部檢會祖宗舊制。過於擺鋪。詔令逐路提舉馬運鋪官。開具措置。仍令兵部檢會祖宗舊制。申尚書省。九月七日。右朝請郎鄭資之言。國家均地里。謹時刻序。傳相望。必置巡轄。又專委漕臣提舉。其法可謂備矣。緣巡轄使臣。有兼三州去處。勢不能遍。歷致多稽滯。比來逐州添差指揮。便不下十數員。臣欲乞於逐州添置指使。內乾添差巡轄使臣一員。地里狹而鋪分少。日可周遍。庶無稽滯。銓曹員多闕。少亦可發遣在部久次之人。從之。十一月八日。南郊赦。昨發下京西川陝等處。逆角。經由路分。有偷拆藏匿去處。先因根究。將住滯鋪兵。及有封頭不全。事涉疑似者。見今禁勘。尚未結絕。竊恐實非正犯。徒有淹繫。可令所屬州縣長吏。切實審實。如勘得委非偷拆。正身並仰

永樂大典卷萬四千五百七十四

二十四

日下跡放。押歸元來去處。依舊收管。放行請給。十九年三月二十二日。尚書省言。諸路來往逆角。多有盜拆藏匿。及不到去處。即未見的實弊病。合行措置。詔差黃敏行權兵部郎官。詢究措置。內有合躬親前去路分。開具申尚書省。四月十一日。刑部言。修立下條。諸急脚馬運鋪曹司。逃止事故。闕限一日。中州本州日下差撥。又關聽權差廂軍。候招到人替回。右入紹興重修軍令。諸急脚馬運鋪曹司。闕不依限申州。及本州差撥無故。違限者。干繫官吏。各徒一年。十日以上。加二等。諸處巡轄使臣。以支取糞土錢。為名。於鋪兵名下。減剋請給。率斂財物者。以乞取監臨財物論。仍許被減剋。率斂鋪兵。越訴。通判令佐。失覺。察杖六十。右並入紹興重修職制。敕。如得充當。即乞申嚴。過牒諸路施行。詔依。仍先次施行。初詔黃敏行權兵部郎官。措置諸路逆角。更差敏行有請。故立此條。恐新書已有正條。故刪。九月二十八日。尚書兵部員外郎。措置諸路逆角。黃敏行言。看詳鋪兵。傳送逆角之際。有姦人用財計。誘盜拆藏匿。其鋪兵如能不與同情。自行告首。或已開拆藏匿。却能盡切告官。遂致敗獲。自來未有聽許。及立賞。指彈。欲乞今後鋪兵。若能如前項告首。捉獲。乞與轉一資。更依捉獲鋪兵。盜拆逆角等第。給賞。仍將元行計。囑財物。不以多寡。並給充實。其巡轄使

臣至兩界鋪分不為依條取索鄰界一鋪簿曆點檢及鋪兵曹級避怕點檢妄稱諸處取索前去欲乞依輒取索鋪兵簿曆歸鋪條法斷罪仍許兩界提舉司及州縣巡轄檢舉使臣等互相覈察兵刑部看詳欲依本官所請下刑部通牒施行從之 十月二十一日尚書兵部員外郎黃敏行言躬親詣置逆角點檢得江南西路安撫司并諸州軍監司等間有差使臣以驅磨為名輒於請運鋪取索每季一換騷擾作過逆角因而沉滯已特違法去處牒罷外深慮經過之後復行差置乞立法禁止大理寺看詳欲依不得差出之官本州不申輒違法杖一百坐罪若有違戾仰提舉官按劾從之 二十二年七月六日總領四川財賦汪名嗣言逆角舊用皮筒封印記因兵部郎中黃敏行請用紙角題印以蠟固護入筒更不封記緣逆角鋪交換取出辨驗多致差互愈長偷稱歲匿之弊望詳酌措置進奏院看詳欲以蠟固護入筒仍腰封緘繫從之 二十三年十一月十八日新知潭州陳琦言朝廷措置逆角招足鋪兵修蓋營舍私役有禁衣糧不關驅催以知縣點檢以通判逐路以監司提舉之又許巡轄縣尉出界逐鋪取索驅磨關防周盡而積滯之弊初未嘗革且以二廣去朝廷遠築以急逆期限不過旬日而廣西承受尚書者採綠牌連有踰兩月而不到

本路發急逆至進奏院有踰三月方到者其間朝廷待報緊急文字與夫諸州刑獄奏案稽滯日久豈不誤事乞檢坐前後指揮申嚴諸路仍令諸州逐月開具所發進奏院逆角關報本院却令本院開具逐月所發逆角關會諸州擇其稽遲之甚上之省部行下所屬根究違滯特行責罰庶幾上下率職逆角通流語令兵部檢坐條法行下仍措置申尚書省 二十六年正月二十七日兵部言逆角在法巡轄使臣往來趕發令尉催促監司提舉近來差委通判等提轄檢舉逐時追呼鋪兵取索簿曆騷擾不一却致留滯令乞並依舊法令縣令縣尉巡轄使臣催促轉送轉運長官一員提舉外其餘第次所差官並罷仍仰提舉官常切督責巡轄使臣如有違慢去處將鋪兵送所屬斷遣巡轄使臣等按劾施行其關少鋪兵行下所屬州軍日下差撥廂軍填關合用錢米按月支散不管拖欠下刑部通牒施行從之 二十九年二月二十五日秘書省校書郎洪邁言諸路郵傳舊制每二十五里置鋪一所列卒十有二人軍興以來凡遇蜀通者或有斥候九里一置亦列卒十有二人自黃敏行建請江浙荆襄之間舊無斥候者一切增創招募一縣多至三四百人而二十五里鋪又復並立鱗次相望既有月給米又有俸麥又有夜糧又有食錢以禁軍三人之費不

能贖一走卒。窮山陋邑。因於供馭。鋪兵很多。徒以資官吏。荷擔輿轎之役。又令諸州通判縣令。皆於衙內帶驛。催逆角。每月各增俸錢十千。歲費縣官十餘萬緡。又於縣丞尉逐月迭出。點視吏士。符移繼踵。絡驛鋪兵。廩給雖優。往往耗於此曹之手。舊制每兩州置巡轄使臣一員。敏行仍令州選一使臣。謂之添差。班行小使臣。無復在籍。所務拾取蠶食而已。其他利害不可悉數。欲乞將有斥喚去處。應干省。逆並行減罷。其常程文字。每日類聚。輪差一人。傳送合罷。逆卒並發入所。隸州充廂軍。却擇廂軍之壯健者。刺填某兵之闕。自餘敏行所請乞令條具。逐一詳議。釐改施行。從之。五月四日。臣奏言。諸路逆角。傳送文字。多有住滯。及鋪兵多有闕額。日近。朝廷措置各差使臣。上層監發。根刷違滯。緣逐處巡轄。逆鋪官多不往來。巡轄及將鋪兵。借與過往官。負般。聽行李及販易物貨。致妨承傳文字。乞委諸路提舉。逆鋪。漕。厝。將本路巡轄使臣。體量如有癯老疾病。無心力不堪倚仗之人。即行放罷。催促待次人疾速赴上。如新官依前不堪倚仗。即從本司別行選差。月具本路巡轄使臣有無稽違。不任職之人。申尚書省從之。二十六日。兵部言。諸路逆鋪。乞令諸州於兩界首鋪。各差使臣一員。置層專在本鋪。遇有逆角文字。即時批上。監視本鋪。傳發。仍差使臣一

員。往來本州界內。諸鋪。根刷有無違滯。各一月一替。候差到替人交割。方得回州。諸路轉運司專差使臣二員。分定本路州軍驛程。不住往來。根刷違滯。半年一替。每月取逐州違滯狀。申本司。並逐日量支食錢。兩浙轉運司除專差使臣二員。分定本路州軍驛程外。更輪差使臣二員。同進奏官一員。各置層。每日於三省樞密院抄上。朝廷所發文字。赴進奏院。當官遣行。仍於層上批鑿。逆引字號。時刻。承傳鋪兵姓名。赴三省樞密院。通呈。一月一替。鋪兵闕者。限一月招填。請受衣糧。按月支給。如招未足。先於廂軍內揀選壯健人。權充。候招到。抵替。逐州知通專一。點檢。轉運司按劾。違戾。詔依仍。令諸路提舉。漕。臣常切提督。如違滯數多。三省取旨。重行黜責。閏六月五日。淮南南路轉運判官張祁言。本路廬州無為軍。巡轄使臣忠翊。郎張顯祖。在任不法。滅剋鋪兵衣糧。請受錢物。入已。致軍兵怨憤。無所畏憚。住滯。逆角文字。已委官體量。得實。詔張顯祖先次放罷。送鄰州。疾速。勅勅具奏。開奏。三十年三月二十八日。詔每歲合賜諸路安撫。并制置使。御前諸軍都統制等。夏臘藥例。差內侍省官。樞密院使臣。前去給賜。所至將逆。建。搗。不無勞費。可自令學士院。降勅書。并所賜合藥。並貴付進奏院。附迎給賜。八月二十九日。樞密院言。江南東路安撫司。言。管下斥堠。

永樂大典

卷一四五七四

鋪內有接傳淮南州軍等處申發。至行在運角文字。比之其他鋪分利害。至重。所有鋪兵。舊日每人日支食錢二百省。昨因本路轉運判官章茂申。謂內緊要鋪兵。每人減作一百文省。自餘鋪每人減作七十文省。續趙伯牛又行申請。裁減。內日支一百文作七十文。七十文作五十文。見欽此。支給。緣向去入冬。竊慮鋪兵。資夜傳送。勞苦與平常事體不同。今欲將斥堠鋪兵。並依章茂。減定錢數。支給。仍乞每至十月一日起。支至次年四月一日依舊。其太平州。池州。宣州。廣德軍。管下斥堠鋪。接傳淮南運角通徹。至行在徑路鋪。亦乞依此。從之。三十一年三月十八日。中書門下省言。諸路鋪兵。承傳運角。自有立定時刻。近來多有住滯及盜拆去處。理宜約束。詔令諸路提舉。馬遞鋪官。行下所部州軍。嚴責鋪兵。今後如敢擅拆窺看傳錄文字。並依建炎二年十一月七日已降指揮。從軍法施行。仍將鋪兵。開額去處。日下於本州。廂軍內。選差少壯之人。撥填。依時支給。請受。每日量添錢伍十文。米一勝。各於逐州府內。選差有心力。便臣一員。內州界。開遠去處。詳差兩員。每月各添破食錢一十貫。廂軍二人。馬一疋。於本界內。專一往來。照檢機察。即不得因。而役使騷擾。如一年內。刑無盜拆。違滯去處。其使臣。仰本州保明。與減一年磨勘。若有違戾。提舉官。知通。巡轄。使

永樂大典卷一四五七四

二十七

臣。并今奉所差使臣。取旨。重作施行。從之。十月二十四日。都省言。十月分。諸路。攤鋪兵級。日夜往來。傳送文字。委是有勞。詔令戶部。并諸路總領所。各隨路分。依例。犒設一次。十一月二十日。詔。近來軍期文字。全藉鋪兵。傳送。其合得錢。未累降指揮。令州縣。按月支給。訪聞州縣。並不遵稟。又多作名色。減尅。及有三兩月。不支去處。雖經監司陳訴。亦不為施行。是致鋪兵。逃竄。有誤。傳送。仰諸路提舉。斥堠官。限指揮到日。即時。委清幹官一員。前去所部州縣。照檢。如有未給錢米。日下一併支給。不得依前。減除。其闕少鋪兵去處。令州軍。日下。差撥。廂軍。補填。候招到人。却行抵替。日後。依前。違戾。許鋪兵。經監司陳訴。仰提舉官。具違戾去處。取旨。將當職官。重行。黜責。人吏。次配。紹興三十二年十一月三日。奉旨。已卯。任。未。改。元。兵部言。諸軍。攤鋪兵級。傳送。軍期。急。速。文字。近。更。措。送。緣。未。立。定。日。行。地。里。并。論。罪。條。法。及。措。置。司。考。之。方。近。旨。諸。軍。自。興。州。至。行。在。沿。路。接。連。每。十。里。置。鋪。選。不。入。隊。少。健。輕。捷。軍。兵。五。人。每。十。鋪。添。差。巡。鋪。使。臣。一。員。往。來。機。察。事。一。承。代。今。欲。除。金。字。牌。日。行。五。百。里。外。餘。日。行。三。百。里。如。違。滯。盜。拆。亡。失。乘。毀。等。罪。依。斥。堠。鋪。第。降。論。罪。指。揮。斷。罪。本。軍。帥。臣。選。才。力。官。一。員。專。一。往。來。提。照。騷。考。有。違。犯。處。具。因。依。自。本。軍。帥。臣。聞。奏。取。旨。從。之。孝

宗隆興二年三月十六日。兵部言自今請軍擺鋪。止許承傳尚書省。樞密院。都督府。沿邊州軍等。所遣發軍期錢糧。要切文字。餘開。緩處不許輒入。并依條入。斥糧。急馬步。逆。若將。逆。官司。照檢。非合入。擺鋪名色。從本處舉。察取。旨。官吏。並依。紹興六年十月。判。旨。斷罪。施行。進。奏。院。所。發。連。簡。除。承。受。金字。牌。合入。擺鋪。斥糧。傳。送。餘。文字。合。分。別。要。慢。入。斥糧。急馬步。逆。遣。發。從。之。其。後。總。領。四川。財賦。所。言。近。降。指。即。不。該。載。總。領。所。文字。亦。許。入。擺鋪。逆。明文。緣。報。軍。期。平安。及。諸。軍。中。探。報。并。錢。糧。要。切。文字。未。嘗。虛。日。欲。望。賜。許。庶。憑。遵守。又。從。之。九月十九日。據。發。遣。昌化。軍。李。康。臣。言。海。南。瓊。州。萬。安。吉。陽。昌。化。軍。四。州。軍。之。地。遼。在。海。外。去。朝廷。為。至。遠。越。靜。江。府。亦。不。越。千。餘。里。朝廷。有。一。命。令。帥。臣。監。司。有。一。行。移。動。輒。經。年。少。則。半。載。雖。云。道。遠。亦。由。逆。鋪。之。弊。欲。乞。於。兩。岸。海口。各。委。官。一。員。海。北。所。轄。之。官。專。責。四。州。軍。巡。鋪。官。檢。伺。候。任。滿。取。會。沿。海。有。無。稽。滯。官。吏。保。明。方。與。批。書。駕。部。看。詳。下。提。舉。廣。南。西。路。馬。逆。鋪。官。從。長。相。度。經。久。可。行。利。便。取。旨。從。之。十一月二十六日。臣。察。言。軍。中。斥糧。不可。不。明。軍。期。奏。報。不可。不。速。今。之。擺鋪。專。主。之。方。冬。感。寒。此。之。戰。士。雖。不。親。犯。矢。石。然。於。兵。事。所。係。非。輕。會。計。人。數。死。亦。不。多。宜。略。加。犒。賞。若。以。事。定。之。日。與。甲。軍。一。例。推。

永樂大典卷二萬四千五百七十四

元

賞。以免。其。舟。走。之。勞。亦。今。急。務。從。之。乾道元年三月三日。臣。察。言。昨。緣。軍。興。斥糧。鋪。承。傳。通。角。進。滯。諸。軍。置。立。擺鋪。專。一。傳。送。軍。期。今。違。事。寧。息。伏。望。將。擺鋪。軍。兵。先。次。放。遣。一。半。歸。軍。餘。半。權。併。入。斥糧。鋪。混。同。承。傳。依。擺鋪。逆。日。行。地。里。行。下。逐。路。提。舉。斥糧。鋪。官。將。見。關。鋪。兵。以。兩。月。為。限。募。填。數。足。請。給。須。以。時。給。內。舊。置。擺鋪。之。所。斥糧。鋪。兵。每。名。日。增。支。食。錢。五。十。積。漸。抵。替。擺鋪。軍。兵。其。全。關。斥糧。鋪。兵。之。所。且。令。擺鋪。依。舊。從。之。七月二十七日。三省樞密院言。近。所。在。申。發。文。身。并。朝廷。發。下。逆。角。鋪。兵。傳。送。例。皆。稽。滯。違。程。詔。諸。路。提。舉。斥糧。鋪。兵。嚴。切。約。束。須。依。條。限。傳。送。時。差。摘。點。巡。轄。使。臣。有。失。職。具。名。以。聞。仍。月。具。無。違。滯。申。三省。樞密院。九月二十四日。詔。三。衙。諸。將。帥。依。舊。例。置。立。擺鋪。其。後。主。管。殿。前。司。公。事。王。琪。等。乞。免。差。上。初。難。之。知。樞密院。事。汪。澈。等。奏。自。遣。使。之。還。邊。報。消息。若。復。置。擺鋪。恐。人。情。不。能。無。疑。乃。從。其。請。二年六月二十一日。詔。三。衙。諸。將。帥。依。舊。例。認。定。地。分。人。數。自。七。月。一。日。置。立。擺鋪。仍。差。得。力。使。臣。專。一。部。轄。照。檢。承。傳。事。稍。任。滯。所。差。人。未。春。却。令。歸。軍。是。日。宰。臣。魏。杞。等。奏。曰。頃。者。用。兵。用。軍。人。為。擺鋪。廢。罷。已。久。近。有。自。荆。襄。來。者。言。道。中。鋪。兵。皆。游。手。往。往。沉。失。上。曰。近。文。字。亦。違。犯。等。言。蓋。緣。不。用。軍。中。人。之。故。令。防。秋。在。近。乞。

暫復置。故有是命。三年二月二十九日。臣寮言諸路諸軍等處申奏文字。並不依限走傳。軍期一例沉滯。欲乞詳酌將諸路舊置擺鋪之處。斥候鋪兵內揀摘少壯健步。謹審鋪兵三名。改充擺鋪。專一傳送軍期。不入鋪要急文字。所揀兵每日增支食錢五十。如斥候鋪兵闕。即於諸州軍依數選差廂軍傳送。亦增支食錢五十。更日增支米一勝半。如无擺鋪屋踈漏拆毀。所屬州軍期十日添脩。仍令諸州軍於添差使臣內。每三鋪選一員。專一部轄。察催促。如無添差使臣。於指使。或應管使臣內差撥。並半年一替。先委諸路提舉斥候馬逆鋪官。勤切點檢。如諸州軍奉行遲戾。苟且鋪兵走傳稽滯。及不依時支給錢米。並按劾施行。從之。鋪兵仍限十日差撥。三月五日。臣寮言。近指諸路州軍斥候鋪兵。選揀健步。謹審鋪兵撥充擺鋪。走傳軍期要急文字。尚慮無以區別。欲乞將沿邊州軍。并諸軍統制司。各給降黑漆白粉牌。內建康鎮江府池州駐劄御前都統制。野貽軍先濠州壽春府。各給牌五。鄂州荆南金州興元府。駐劄御前都統制。襄陽府四川制置司。各給牌十。專一申奏軍期切務。尋常不許輒用申發文字。並填實日逆鋪走傳。日行三百五十里。到行在。令進奏院具承受日時。發回朝廷。降付諸處。要急文字。亦乞置雌黃漆青字牌五十。以備給發。候到却將牌即時繳回。若任滯時刻。使臣鋪兵並重作施行。從之。二十七日。權發遣臨安府王炎言。獲首於斥候鋪兵內。尋鋪摘三名充擺鋪。三鋪差使臣一員。部轄。察本府所置擺鋪。地里遠闊。竊慮初置之初。各鋪使臣生疎承傳之際。或至留滯。兼巡轄官不令通行點檢。驅催却致託避。今欲委自巡轄馬逆鋪使臣。往來驅磨催促。如傳送稽滯。巡轄同所差使臣並取旨責罰。仍乞每鋪差曹司一名。抄上簿。層詔諸路倣此。四年正月二十四日。兵部侍郎王炎言。郵傳之乖違。無甚於近時。至若去年十一月二日。郵祀。詳執行在。至襄陽府三千一百里。合行六日二時。稽十日方至。荆南二千六百四十里。合行五日三時。稽九日方至。餘類此。不可悉陳。竊慮循習。或誤機要。切害有不可勝言者。昨降旨。再置擺鋪。止於斥候鋪兵揀摘三名。未免責滯。欲乞令逐州。每擺鋪兵士添作五人。曹司在外。訪聞州縣陳謁恩賞。附連家書之類。悉入擺鋪。期於速達。未嘗有舉罰者。致殊無忌憚。今欲從本部下諸路將帥州軍。及進奏院。每月各保明。即無附帶閑緩文字。及家書之類。以憑稽考。舉案。仍諸路將帥監司守臣。有所申發到進奏院。月具名數申白。日後因事發覺。重加罪罰。斥候及馬步逆鋪。限非緩。止緣置五擺鋪。後官司漫不留意。因依散失盜拆。無所不至。諸處冒法

盡入擺鋪。并有此患。今措置從本部下諸路提舉馬連鋪官。將斥墩鋪兵。期一月。募填盡足。及督貴州軍葺理鋪舍。以時廉給。有奉行不度。遂路提舉馬連官。按治施行。逆鋪日弊。利害非小。提舉馬連官與州縣往往避罰。上下容庇。致莫稽考。今欲本部臨時選州縣官。或指差見任得力使臣。不測驅磨。遠處下帥司選官。俟得其實。從本部具名取旨。從之。五年四月八日。兵部言諸路州軍斥墩逆鋪。并擺鋪軍兵。傳送逆角前去。法令詳備。緣奉行不度。違滯日甚。欲乞下諸路提舉馬連鋪官。以闕報所部。將見闕鋪兵。須亟依元額招填。按月廉給。不得尅削。於後仍督巡轄使臣內。違奏院。令本院監官。每季以外路所發逆角。并本院發去批回內引。保明有無違礙等。申部以憑檢察。近有侯潮門中棚。北廓斥墩等鋪。置厝承受外。路發違奏院逆角。過投取批。為驗。月赴部覆用印。給下抄轉。歲終繳磨。見今置立首北東西路。并中棚擺鋪。亦係投進奏院逆角。其取批收發。置文厝亦令一體。從之。六年六月二十日。據江南東路提舉刑獄公事。燕權提舉常平茶鹽公事。羅敏言。近省部及諸處官司。逆角多滯。蓋以鋪兵月粮衣賜。州縣類先支在州軍兵。至逆鋪例不以時。遂使飢寒困厄。又過往士大夫。差出軍士。公人玩法。擅於逐鋪。通差擔負。一若不從。必致風骨。近

巡歷至池州建德縣。鋪兵陳狀。積月糧四箇月。及鋪兵稱前後過往強使。擔擊不容辭。詔鋪兵糧米不以時給。具守臣姓名取旨。擢授鋪兵。令羅敏契勘并聞奏。九月八日。詔州縣傳送文字。逆鋪兵級。合得月糧料錢。仰州縣按月放行。不得非理役使。如或違戾。監司按治施行。十七日。詔武經大夫池州太平州都巡檢使馮世時降兩官。以羅敏契勘世時私役鋪兵也。十一月六日。詔江州馬連鋪兵江立。杖脊刺面配流三千里外州軍。巡轄官趙不退。追兩官勒俸。巡檢使臣武安。追三官。除名勒俸。檢坐見行條旨。并令責罰。下諸路提舉馬連鋪官。於逐鋪榜諭。以汪立盜拆四川宜撫司力忠。則字號逆角。當從軍法。緣該赦宥。及自首。巡轄官驛屬失實也。先是上問盜拆逆角。當得何罪。宰臣虞允文奏曰。在法當死。汪立乃自行陳首。上曰。須從流。梁克家曰。巡轄使臣。失於鈐束。漕司所差官。根究失實。二者皆有罪。上曰。然。故有是也。八年四月九日。詔玆州置巡轄馬連言一員。以本路諸司言巡尉兼逆鋪職事。不得專一。乞創置一闕。故也。今月三日。據發遣江南東路轉運副使。燕提舉馬連鋪。點檢斥墩程大昌言。逆鋪兵承傳四川宜撫行府逆角。繞有破損。所至鋪吏不經官根究。却令元傳鋪兵。越界千里。直至行在。等投送。緣此文字稽滯。如本司覺察。稍

永樂大典

卷一四五七四

有違戾巡轄使臣送所屬根罪依條施行。乞下諸路照應約束從之。十日四川宣撫司言。近諸處文字及承朝省發下通角。多為沿路盜拆不知其數。詔如告獲賞錢三百貫。有官職人轉一官資。二十五日。中書門下省言。諸路通角往來傳遞。多有盜拆留滯。及藏匿不至去處。弊端不一。詔差大理寺丞邵說躬親前去詢究措置。八月十八日。荆湖北路安撫提刑韓遵提舉常平茶鹽司言。荆南澧州巡轄并岳州巡轄一員並闕正官。承前止所屬州府差攝。應不專一。有妨催驗。欲望下吏部正行差官從之。仍以荆南澧州巡轄馬通鋪岳州巡轄馬通鋪為稱。二十九日。權發遣江南東路計度轉運副使兼提舉馬通鋪點檢庠庠程大昌言。准根究沿路盜拆都統秦瑛俠等號逆簡。專委屬官趙彥駿究驗。並無蹤跡。其逆簡四月十二日卯時四刻入本路。至四月十七日未時五刻出界。通計五日四時一刻。准條合以二日三時三刻計滯三日六刻。參照並在巡轄曹景賢內。即景賢怕坐解字。以致任滯。可知欲望將景賢罷逐。以為墮職之戒。從之。十月十七日。詔激賞庫依昨置黑漆白字牌式樣。更行製造。四川宣撫司給牌十。建康鎮江江池鄂州荆南都統制。御前水軍。沿海制置司。金州興元府武鋒軍。都統制。襄陽府光祿楚州行胎安豐軍。各給牌五。申

永樂大典卷一四五七四

三十一

奏朝廷要切文字餘照乾道三年三月前旨施行。十八日。輔臣梁克家等言。將點審到兩浙東西路種壯廂軍第一第二等人。分留遣發內逆鋪一千九百七十三人。却於揀中第三等內選種壯人抵替。第一第二等揀中種壯逆鋪。竊慮有妨。執役傳送。上以鋪兵亦須種壯。詔免抵替。二十一日。兵部侍郎黃均言。逆角稽違之弊。蓋莫甚於近日。荆南都統制司所發御前文字。猶違空函。四川宣撫司往來逆角。盜拆尤多。不唯鋪兵作弊。其間曲折。可慮非一。欲望立賞募告。或給緡錢。或與轉資。凡有盜拆逆角之人。並許收捕告官。即與推賞。犯人依建炎年軍法處斷。將賞格錄榜。逐鋪揭示。使之通知。庶幾傳驛不失期會。亦足以陰消姦計。伏乞詳酌施行。既而下敕。令所脩立盜拆賞格兩條。從之。十一月七日。詔樞密院給黑漆粉字牌五。下湖北安撫司。遣要切軍期文字。從即臣葉衡之請也。十二月三日。大理寺丞措置諸路通角邵說言。沿路州縣擺鋪。例皆闕額。其間止三兩名。多單身逃軍。代名諸州縣。斥壞鋪兵。每月合支本身食錢。州縣吝惜財賦。往往不支。或支以半鋪。屋損漏。反少闕闕。沿路橋梁道路。並不脩整。諸州上下兩界首鋪。合差使臣置厝。抄連及縣尉出巡。所至逆鋪。合索傳送文書。大小厝點檢。逐州並未見遵依。累降制旨。巡轄使臣私

役兵級。過往命官將校軍兵。獲役鋪兵。諸路監司州縣等處。發連不別要慢。一例題罵。仰鋪兵火急傳送。鋪兵類不識字。一舉以入擺鋪。致文字攙併。橫壓兵部。勘當前後條指。非不嚴備。伏乞關牒諸路提舉馬。遞鋪官。如依前連度之處。從本部官案治施行。從之。二十七日。詔知平江府吳江縣那親降。一官放罷。坐不支遞鋪請受。及冬。衣綿絹。仍令本府於係省錢內。按月支給。九年二月三日。詔舒斬州巡轄使臣李光輔。放罷。以桐城縣界銅山鋪兵。故匿逆角。光輔不覺察。差使臣劾出。劾罪以聞也。十四日。忠翊郎閻門舍人熊飛言。竊見兩浙荆襄。功於敵境。明遠斥堠。正為急務。其間州縣。招置鋪兵。多是逃軍。作過。及老弱之人。號名冒役。朝集暮散。更無定藉。所遞文字。或潛漏拆。先泄事機。或藏匿失墜。互相託避。利害非小。欲望申明。祖條。應州縣。招刺鋪兵。須確實土居之人。有犯逃卒。並發歸元處。餘老幼。盡汰。仍令知縣。縣尉。兼帶驛。往來逆角。專一檢察。庶幾緩急不致疎虞。亦防姦之至術。從之。八月二十五日。大理寺丞邵說言。此年以來。逆角有盜拆藏匿之弊。蓋由巡轄使臣。與曹級相通。每一逆入。界首曹司。以片紙。獨於牌簡。書寫某日某時。某刻。入界。轉示以次。鋪謂之由道。以次鋪得之。各計合破程限。次第挨排。虛轉簿。層以相符合。其

永樂大典卷一萬四千五百七十四

時官司。驛廩。概見本界。並無措滯。殊不知越界一鋪。乃有大繆。不然者。謂如荆南都統秦琪。所發快字號奏簡。江西浩港鋪。則云。三月二十五日申時。六刻。傳過。江東竹嶺鋪。却云。四月十二日。卯時。一刻。於浩港鋪得之。兩鋪相去。纔十里。凡差十六日。六時。四刻。其弊。蓋出於此。今措置。欲於見置擺鋪。廣兩路界首。通差。識字。使臣一負。就彼。置立直舍。專一置簿。抄往來逆角。實過界。月日時刻。傳送鋪兵姓名。以備官司。取索。所差使臣。自浙西至四川。界首。不過五負而已。伏乞特降。廉旨。令吏部。使關。差注。庶幾。逆角往來之際。有以機察。從之。十月十九日。樞密院言。諸路州軍。應申奏。朝廷機密。要切文字。其文引內。既有排定序號。又於文引內。開說事目。入遞。致承。受開拆之處。多傳播。漏露。深屬不便。詔兵部。通牒。諸路州軍。將申奏入遞。機密。要切文字。並實。封於皮筒。內外。及文引。止排字號。不得。顯露。事目。如有違戾。取旨。重作。施行。

永樂大典卷之一萬四千五百七十四